

ВЫЛЬ УЛОН

2-ти АРЭЭ ПОТЭ

Данлыко нунал'ёсты выль вормон'ёсын пумиталоме

Кылызы на лыдзымон гинэ нунал'ёс, ку луоз Великой Октябрьской социалистической революцилэн 23 ар тырмонэз. Аслэстыз та боевой празникэ советской калык арлы быдэ данлыко вормон'ёсын пус'е социалистической строительстволэн вань удыс'ёсаз. Асьмелэн республикаысымы трудяшыйёс туэ великой празникэн чош ик пусыны дасяско мукетэ данлыко нуналэз—Удмуртилэз 20 ар тырмон юбилейэз.

Вань советской калыкен чош, асьме районысь но трудяшыйёс дасяско данлыко нунал'ёсты пумитаны выль производственной возматон'ёсын. Районыстымы азымынсь колхоз'ёс сельскохозяйственной арэз азинлыко йылпум'яло. Та дыр азелы кутсаськонэс быдэстызы ни Седпи, Поч. Кляпово, Печешур, Чажай, Зуир колхоз'ёс, кын улэ гыронэс быдэстызы ни Золотари, Седпи, Печешур колхоз'ёс. Матысь нунал'ёсы районыстымы тросэз колхоз'ёс йылпум'ялозы вань сельскохозяйственной уж'ёсты.

Однако таин чош верано луэ, что куд ог колхоз'ёс котыкыче сельскохозяйственной уж'ёсын чиданы луонтэм гызмыльтыса мыно. Тужгес но бере кылэ кутсаськонэн но кын улэ гыронэн—Понинской, Коршевихинской, Адамской сельсовет'ёсысь колхоз'ёс. Та сельсовет'ёслэн но колхоз'ёслэн кивалтисёсы кутсаськонэн но кын улэ гыронэн жога быдэстонэ колхозной массаосты мобилизовать уг каро, кутсаськонлы но кын улэ гыронлы тупатэн графиказ тйаса нуо. Тросаз колхоз'ёсын кутсаськон машинаос быдэс нагрузкаен уже уг кутыско, уйин кутсаськон организовать карымтэ. Озыы ик кын улэ гыронлы но трактор'ёс гинэ кёняке ужало, нош вал'ёсын туж ичи гыро.

Няньёсты кутсанэз быдэстонлы советско-колхозной актив, партийной, комсомольской но профсоюзной актив ласянь али туж бадзым саклык вис'ямын луыны кулэ. Кин кутсаськонэн кемалы кыске, государство азыын обязательствоосты быдэстонэз жегатэ, колхозной устав'я кылдытыны кулэ фонд'ёсты кылдыт'янез кемалы кыске, сыче мурт'ёслы пумит кужоместь ужрад'ёс кутано.

Кын улэ гырон'я мобилизовать кароно вань механической но конной тягаез, чтобы та нунал'ёсы кын улэ гырон план'я 100 процентлы тырмытэмын мед луоз. Со ужлэн значениез туж бадзым. Татысен луоз вуоно арлэн урожаез понна нюр'яськем.

Кутсаськон, кын улэ гырон уж'ёс сяна, озыы ик бере кельтыны уг луы лнотреста сдать каронэз но вань обязательствоосты быдэстонэз государство азыын. Соны понна котыкуд колхозын, производствын, учреждениын али паськыг вольмытэмын луыны кулэ соцсоревнование но ударничество. По-большевицки возглавить кароно массалэсь производственной жутконэз, 1940 ти сельскохозяйственной арлы гожтэм договор'ёсты быдэсьамез эскероно и вань кужымез мобилизовать кароно вылазы басьтэм обязательствоосты быдэстонэ.

Азыпалан сылысь уж'ёс азинлыко быдэсмозы сотысен, кызы ужась кужымез умой организовать карозы колхоз'ёслэн кивалтисёсы, кызы соос нюр'яськысы басьтэм обязательствооссы быдэстон понна. Соку быгатомы асьмеос данлыко Великой празник'ёсты выль производственной вормон'ёсын пумитаны и вань советской калык'ёсын чош ик продемонстрировать карыны достиженосын.

Одйг тысез но сортировать карытэк өвөл кисьтоно

Урожайлэн зечлыкэз луэ сотысен, кыче кидысэн сое кизэд. Вакчияк вераса—марке кизид, сое ик аралод. Агронимиялэн наукаез'я котыкыче культураос'я самой вылтй, дун сортирвать карем кидысэн гинэ кизёно. Азыпал арын умой кидысэн кызыны понна, али ик сюлмаськоно усе, кидыс фондэз одйг тысез но сортировать карытэк өвөл кисьтоно. Соны понна вань сортировкаосты, триер'ёсты тырмыт уже кутано, организовать кароно сортировать каронэз озыы, чтобы машинаос уй но нунал но медаз ужатэк сылэ.

Куд-ог колхоз'ёсысь кивалтисёс кутсанэн чош ик ю кидысез сортировать карон но кидыслы фонд кылдытон борды организовано кутскизы.

Кылсарысь, Почашевской сельсоветысь колхоз'ёсын сортировать карон машинаос быдэсак уже кутыско. Но таин чош верано, что тросаз колхоз'ёсын ю кидысез сортировать карон борды кутскимтэ на. Район'я басьтыса, сортировать карон но ю кидысез кисьтон чиданы луонтэм ляб мынэ.

Сыче положениез азыпалаззыны уг яра. Кин ке ю кидысез кисьтонэн өз дырты, со луэ вуоно арын выль урожай басьтонлы пумит. Колхоз'ёслэн председателёсылы, интысы совет'ёслэн депутат'ёсылы ю кидыс кисьтон ужез киязы кутано но по большевицки сое организовать кароно, чтобы та кёс, шулдыр нунал'ёсы кидысез 100 процентлы кисьтыны.



Советской Союзлэн Геройёсыз—полковник Петр Федорович Швецов (палляназ) но авиацилэн генерал—майорез Иван Алексеевич Лакеев.

Городской но колхозной егит'ёсты Ремесленной Училищеосы но Фабрично-Заводской Обученилэн школаосаз призвать карон сярись

Удмуртской АССР лэн Народной Комиссар'ёсызлэн Советсылэн пунктэмез

СССР-лэн Верховной Советэзлэн Президиумезлэсь „СССР-лэн Государственной Трудовой Резерв'ёсыз сярись“ 1940 арын 2 октябры Указэз но СССР-лэн Совнаркомезлэсь „Городской но колхозной егит'ёсты Ремесленной Училищеосы, Железнодорожной Училищеосы но Фабрично-Заводской Обученилэн школаосаз призвать карон сярись“ 1940 арын 2 октябры пунктэмэз быдэстон выльысь,—Народной Комиссар'ёслэн Советсы пунктэ:

1. 1940 арлэн 10 ысен 25 ноябрэяз колхозной но городской егит пиосты 14—15 арес'ем'ёссэ Ремесленной Училищеосы но 16—17 арес'ем'ёссэ Фабрично-Заводской Обученилэн школаосаз ваньэз 4600 муртэ призвать кароно, со лыдын колхозной егит'ёсты 2600 муртэ, соос пöлысь 1300 муртэ Ремесленной Училищеосын но 1300-зэ Фабрично-Заводской Обученилэн школаосаз; городской егит'ёсты 2000 муртэ, соос пöлысь 1700 зэ Ремесленной Училищеосы но 300 зэ Фабрично-Заводской Обученилэн школаосаз, та борды понэм приложениея город'ёс'я но район'ёс'я люкылыса.

2. Трудяшыйёслэн депутат'ёсылэн городской но районной Совет'ёсылэсь исполком'ёссэз призваться кариськись городской но колхозной егит'ёслэсь лыдзэс 1940 арлэн 5 ноябрэяз район'ёс'я но колхоз'ёс'я люкылыны косоно.

3. Городской но колхозной егит'ёсты Ремесленной Училищеосы но Фабрично-Заводской Обученилэн школаосаз призвать каронэз ортытон понна город'ёсын но районной контр'ёсын таچه составен комиссиос кылдытоно: трудяшыйёслэн депутат'ёсылэн Совет'ёсылэн городской, районной исполнительный комитетсылэн председателэз (комиссилэн председателэз), профорганизацилэн представителэз но ВЛКСМ лэн городской, районной комитетэзлэн секретарез.

4. Колхоз'ёслэсь правлениеоссы косоно Ремесленной Училищеосы но Фабрично-Заводской Обученилэн школаосаз призвать карем'ёслы колхоз'ёс чотын сётыны вылдысь, пыдкучтан, кык воштэт белье, назначить карем интые вуытозь тырмымон сион-юон продукт'ёс но призвать карем'ёслы чугун скорс станция дорозъ вуыны кулэ транспорт

Удмуртской АССР лэн Народной Комиссар'ёсызлэн Советсылэн председателэз
А. ТРОНИН.

Удмуртской АССР-лэн Народной Комиссар'ёсызлэн Советсылэн управделэз
Г. ИВШИН.

Ижевск город, 1940 арын 12 октябры.

Кутсаськонэн гызмыльты

Куд-ог колхоз'ёсысь кивалтисёс нырысь нунал'ёсаз ик кутсаськон уж борды өз кутскелэ, и али но со ужез гызмыльты. Турай колхозын (председателэз Баженов) кутсаськон организовать карымтэ, нуналаз 100 центнер кутсан интые, 25 центнер гинэ кутсало. Та колхозын ик 50 центнер гинэ ю кидысы кись-

тэмын. Сороково колхозын 18 октябры азелы 40 кабан кутсанзы вал на, озыы ик Шудегово колхозын 30 кабан'ёс кутсанзы лыд'яське на.

Выль гожтэм колхоз'ёслэн кивалтисёсылы чик моготэк сыче чидантэм гызмыльтонэз быдтоно но матысь нунал'ёсы кутсанэз йылпум'яно.

Четвери-ов.

Заем понна коньдон люканэн овол бере кылено

Асьме районысь трудяшыйёс бадзым мылкыдэн гожтиськисы Куиньмети патылеткалэн (куиньмети арэзлэн выпускэз) зегемэлы. Тужгес но огмылкыдын гожтиськон ортычиз Почашевской, Дондыкарской но Бадзымшурской сельсовет'ёсысь колхоз'ёсын.

Подпискалэн азинлыко ортычез луэ со, что колхозник'ёс гожтыськем бере ик наличноен коньдон тырылызы но кюасазы облигациос басьтылызы. Тани Лукапи, Весякар, Симашур, Чебершур, Турай, Донда но Понино колхоз'ёс заёмлы гожтиськисы но соку ик 100 процентлы наличноен коньдон тырызы. Та колхоз'ёсысь заём'я уполномоченной'ёс по—большевицки аслаз обязанностязы ужазы. Но, таин чош верано усе, что куд-огез заём'я уполномоченной'ёс заёмез вöлдонын ляб ужазы, али заём понна коньдон люканын но ляб ужало. Кылсарысь, Адамын — Максимов Азарий, Дондыкарын-Резенов, Вильгуртын — Максимов, Лапиноын—Чупин Т. В., Дураковын Хаймин но мукет'ёсыз. Куд-ог сельисполком'ёслэн председателёсы уполномоченной'ёслэсь ужзэс требовать уг каро. Тужгес но та пумысь уж ляб мынэ Коршевихинской сельсоветын, нырысетн октябры азелы заём понна коньдон тырон план 47 процентлы гинэ быдэсмын, Слудской сельсоветын 46 процентлы сяна быдэстымтэ.

Кыдёкын ик өвөл ни вуэ празник Великой Октябрьской Социалистической революцилэн 23 годовщинаез, кудэ вань Советской калык годовой производственной планзэс тырмытыса пумиталозы. Финансовой активлы финансовой планэз тырмытыса пумитаны кулэ Озыы асьмеос бюджетлэсь доходной частьсэ тырмытом но социально-культурной мероприятиосты финансировать карыны быгатом.

Золотарев Л. А.

Адамской сельсоветлы азьвилскыны кулэ

Адамской сельсоветысь колхоз'ёс государстволы лнотреста сдать каронэн чиданы луонтэм бере кылэ. 19 октябры азелы Весякар колхоз одйг центнер но сдать өз на кары, Адам колхоз 10 центнер гинэ сдать кариз, та дырозъ 7 гектар вылын треста жугонэз вань на. Талэсь умой ик өвөл мукет'ёсаз но колхоз'ёсын.

Озыы ик Адамской сельсовет бере кыске госзакупез сдать каронэн. Быдэс сельсовет'я колхоз'ёсын 340 центнерлы договор'ёс гожтэмын, но туннэ нуналозь Весякар колхоз гинэ 7 центнер нуиз ни, отыыз колхоз'ёс одйг центнер но сдать өз на каре, мае ке витьыса уло.

Баженов

